



Босна и Херцеговина  
Агенција за идентификациона  
документа евиденцију  
и размјену података



Bosna i Hercegovina  
Agencija za identifikacijske/identifikacione  
isprave/dokumente, evidenciju  
i razmjenu podataka

Broj: 15-03-16-5-1613/16  
Datum: 3.10.2016. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH (Službeni glasnik BiH broj 56/08), člana 69. stav 2. tačka d) i člana 70. Zakona o javnim nabavkama BiH (Službeni glasnik BiH broj 39/14), direktor Agencije donosi slijedeću:

### **O D L U K U** **o poništenju postupka nabavke**

#### **I**

Poništava se postupak javne nabavke uniformi-LOT1 objavljen na web portalu Agencije za javne nabavke BiH, broj obavještenja: 1110-7-1-58-3-54/16 od 25.07.2016. godine, koji je proveden u skladu sa procedurom konkurentskog zahtjeva za dostavu ponuda.

#### **II**

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

#### **III**

Ova odluka stupa na snagu danom donošenja.

### **O b r a z l o ž e n j e**

Na osnovu provedenog postupka nabavke Komisija za nabavke je konstatovala je da je rok za dostavu ponuda 24.08.2016. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle 4 ponude za LOT 1 i to ponuđača: Danial S d.o.o. Tešanj, INTER-COM d.o.o. Zenica, ANG d.o.o. Banja Luka i RM Company d.o.o. Zenica. Neblagovremenih ponuda nije bilo.

Ponuda ponuđača ANG d.o.o. Banja Luka nije prihvatljiva iz razloga što nije uvezana jamstvenikom, niti je ponuda parafirana i numerisana kako je to traženo



konkurentskim zahtjevom za dostavu ponuda, te nije dostavljen popunjen i parafiran nacrt ugovora. Osim svega navedenog, svi ponuđeni uzorci nemaju traženu deklaraciju.

Ponuda ponuđača INTER-COM d.o.o. Zenica nije prihvatljiva iz razloga što ne ispunjava uslove iz konkurentskog zahtjeva za dostavu ponuda u pogledu opisa predmeta nabavke i tehničkih specifikacija. Naime, ponuđene su hlače bez džepova plići model prema priloženoj deklaraciji imaju 245 gr/m<sup>2</sup>, a ne kako je to traženo tehničkom specifikacijom 240 gr/m<sup>2</sup>. Ista situacija je i u pogledu drugih hlača, isti model sa traženih 185 gr/m<sup>2</sup>, koje su ponuđene sa 190 gr/m<sup>2</sup>. Dalje, Polo majica boja bež je ponuđena u limun žutoj boji. Bluza je tražena sa površinskom masom 185 gr, a ponuđena je sa 190 gr, a pantalone ljetne su tražene sa površinskom masom 195 gr, a ponuđene su sa 190 gr.

Ponuda ponuđača Danial S d.o.o. Tešanj nije prihvatljiva iz razloga što ne ispunjava uslove iz konkurentskog zahtjeva za dostavu ponuda u pogledu opisa predmeta nabavke i tehničkih specifikacija. Naime, majice T shirt, boja crvena, svijetlo plava i žuta, nemaju na deklaraciji podatak o površinskoj masi materijala (tražena je površinska masa 165 gr/m<sup>2</sup>). Polo majica u bijeloj boji ima dva dugmeta, a ne kako je to traženo tehničkom specifikacijom tri. Polo majica u bež boji ima na prednjem dijelu džep koji nije tražen i nije dozvoljen. Bluza na deklaraciji nema podatak o površinskoj masi (tražena je 185 gr), kao ni Pantalone ljetne (tražene su sa površinskom masom 195 gr).


Ponuda ponuđača RM Company d.o.o. Zenica nije prihvatljiva iz razloga što ne ispunjava uslove iz konkurentskog zahtjeva za dostavu ponuda u pogledu opisa predmeta nabavke i tehničkih specifikacija. Naime, ponuđene su hlače bez džepova plići model prema priloženoj deklaraciji imaju 245 gr/m<sup>2</sup>, a ne kako je to traženo tehničkom specifikacijom 240 gr/m<sup>2</sup>. Ista situacija je i u pogledu drugih hlača, isti model sa traženih 185 gr/m<sup>2</sup>, koje su ponuđene sa 195 gr/m<sup>2</sup>. Majice T shirt su ponuđene sa površinskom masom materijala od 155 gr/m<sup>2</sup> (tražena je površinska masa 165 gr/m<sup>2</sup>). Bluza je tražena sa površinskom masom 185 gr, a ponuđena je sa 195 gr, a pantalone ljetne nemaju podatak o površinskoj masi (tražene su sa površinskom masom 195 gr/m<sup>2</sup>).

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što nijedna od primljenih ponuda nije prihvatljiva.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

  
**X**

---

DIREKTOR  
Edim Nesimi

Signed by: Edim Nesimi / digitalno potpisano / digitally signed